

Das Explot **blat**

rautes knecht zu Costencz die do waren. vnd de nachrichter das sy in auß furt zuerbrennen. vnd im kein sein hab gürtel noch gewande seckel messer noch pfening hosen noch schuhe nicht namen noch abziehen. das beschähe auch. vnd het doch zwen gut schwarcz rök an von gutem tuch. vnd ein gürtel was ein klein beschlagen mit vultem silber. Vnd in einer schaid zway güte beymesser. vnnnd ein lüdzin seckel do wol pfening im mochte sein. vnd het ein hobe weisse infel auf seinē haubte die was mit papier gemacht. vnd stunden daran zwen tieffel gemalet. vnnnd enzwischen den zweien tieffelen geschriben Heresiarcha ein erzkäzer aller käzer. vnd furtend in die vō Costencz auß mer dan mitt tausent gewapnoten männen. Vnd die layen fürsten vnnnd herzen auch gewapnet. Vnd furtend in zwen

herzog ludwigs diener ai ner zu der rechten. der and zu der gelincken seitten. vñ was nicht gebunden dam das sy sunst neben im giengen. vnd giengen vor im do zwen raueknecht. vnd auch zwen hinder im der von Costencz. Vnd giengē mit im zu geltinger thor auß. hin. Vnd von dem grossen überdrang müst man in führen vmb reichmans widehaus den Brüel vmb hyn. Vnd waren der gewapnoten man mit dan drei tausent one gewapnotes volcke des on zal was vnd frauē. vnd müst man dye leüt an geltinger thor halten je als lang dz ein schar über hin kam. vñ darnach die ander bis das sy alle über hin kam: ent. dam man vorcht das dye bruck nider gienge vnd bräche. vnnnd man furt in auff das klein inder auffer velde enmitten vnd in dem außhin führen do rufft er die lewte nicht vast an. vnnnd bettet nicht